

Wie d'Martin 'm Matz in sei Hoss gschiß hat

Amol Owetz war die ganzi Gsellschaft beisamm im Wertzhaus es wohr a Grund zum Tringe un Feire. D'Matz hatt ane sitze ghatt wie a Haus das er net schteen hat kenne. Er hat gespiert er muß raus gehn, er hat sich a schwung groll un is bis zum Martin gethorglt hat sich an seim Halz fescht khall un soot: "Hej Martin mir sin guti Kumrode un wann ane in Not is muß der anre helfe ." „Wu tut's weh Matz?". „Ich muß unbedingt scheiße sunscht geht's in die Hoss, gsiescht das ich nimmer schtehn khann."

D'Martin hat'ne inkhong un raus, wie'se torch d'Gang gehen hatt d'Martin zwo Kukrutzkolwe groll. So, jetz han ich's Komando: " Hosse runner mit d'Puckle zamm un langsam runner lose ." D'Martin kreift hinri hollt'm Matz sei Hoss ziet'se uner sei Auspuff un los geht's s'hatt pisl gerumbt Er reicht'm Matz och a Kolwe vor apputze , langsam auf d'Matz kreift hinri hollt sei Hoss schnallt'se zu halt sich am Martin fescht un gemer nin .

Wie'se so in der halbscheit wohre saat d'Matz : "Ich, ich... mohn ich han in die Hoss gschiß „ D'Martin pinnt'm unne'm Matz sei Hossepohn mit'ner Schnur zu un saat: "Matz jetz gemmer Hamm".

Wie'se beim Matz waare hat d'Martin d'Matz an d'Gangsteile gfiert so to halscht dich fescht. S'Wawi waar schun tort un hat anfangt zu towe .D'Martin hat sei Ohre zughall un is abkhaut. S'Wawi hat sei Naas zughall un hat'ne runner gemacht, wie's bemerkt hat das'es niemand onhorcht hat's d'Matz uf d'Mischt gfiert ne ausgschtrippt a Amber Wasser d'Weislpemsl un griendlich abgewescht un nei angschtrippt un in's Bett.

In'der Früh hat's Wawi sei Hausarweit gemacht d'Matz is munder gien un hat studiert was er'm Wawi antworte soll. Er hert's Wawi kumme un gschwind die Tucht iwer d'Khopp gezo . 's Wawi kummt nin ziet'm die Tucht runner sitzt sich zu'm un hat anfangt zu Fuddre un Tunnre. D'Matz hat anfangt zu beichte wie'er fertich woor fraat's Wawi : "Wascht ach das d'Martin ach in tei Hoss gschiß hat, ich han zwo KukuzutzKolwe in teiner Katjehoss gfun un a jeder hat a anri Färb ghatt, so jetz schauscht mir in die Aue : "wanscht noch onmol in die Gsellschaft gescht los ich mich Scheide ."

D'Matz is ufgsprung hat's in sei arme groll „Liewes Sieses Weib mach des net ich kann ohni dich net Lewe ich Schwör tier's das ich niemer zu der Gsellschaft gehe wer ." D'Matz is uf un hat's hart verpuselt.

Wie d'Matz gsindicht hat

M'Wawi sei Schwester hat Endpun da is es Wawi zu ihr kum. Wie die Luft sauwer waar is d'Matz torch'te Goorte zur Gsellschaft , wie'er gsien hat woore alli tort. D'Matz geht glei zum Martin un phackt'ne an' der Gurgl : "Tu Schufft Gottvergessener" un peidlt'ne „Tu hascht in mei Hoss Gschiß so a Kumrad pischt tu ."

Die anre han die zwo umzinglt un ghorcht. D'Matz hat misse d'hergang verzähle, alli han mit Träne in d'Aue gelacht. D'Martin hat so unschuldich gschtan un so Treckich gelacht un gschmunzelt, tes woor Wasser uf sei Miel. D'Matz is fort un hat gsaat : "Unser Kumradschaft hat jetz a End."

Des Ulaker's Wunner

Wie d'Matz fort woor, woore'se alli Traurich un Ratlos weil ohni d'Matz die ganz Gsellschaft ver- torb woor. „Mir misse uns etwas in falle losse" soot oner. D'Martin hebt die Hand : "Ich han's, vor was han mir unser Ulaker , tu Franz Moije früh kumscht zu mir, mir gehen's Wawi holle ."

S'Wawi war grat im Gang gschtan, sie sin nin ohni on wort zu soon, hans'es inghong un gschleppt es hat angfangt zu schreie, fluche, hilfe rufe beise, kratze mit die Fieß zu schloon hat alles nix genutzt. Wie'se so gecher Ulaker kumme hat's sich gspreizt : "Auslosse ich geh aloon torich ." Es is uner'm Ulaker torich wie's in' der Mitt waar hat's gschnappt un die hoor uf d'Zung waare weg . D'Matz isne nou

Er waar krad uf der anri Seit es Wawi wie's sei Matz gsien hatt is'es uf ne zu hatt'ne um d'Hals kholl un ne verpusst: „Mei liewe siese Matzi „.

So umschlungener sin'se Hamm. D'Martin un d'Franz hann sich bekreiziegt un gsaat: "Unser Ulaker hatt wie a Wunner gewirgt.

D'Matz kumt zu seine Kumrode

No a phoor Teich kummt d'Matz ins Wertzhaus zu seine Kumrode . Geputzti Schuh, gepegelti Hoss weißes Hemet mit Schlopp un halbzielinder uf m Kopp wie a Pariser. Er hatt schehn gegrießt d'Hut abkholl er woor ganz a anre ,alli han`ne angegafft to soot d'Franz : "Bischt tu's Matz?" „Jou!! ich bin's".

Glei an d'Tisch gsitzt un a Wein beschellt tes Ulaker Wunner muß pe'goss were un d'Matz hatt misse tes Wunner verzehle. „Liewi Kumrode ich han jetz d'Himml uf Erde, s'Wawi troot mich jetz uf d'Hend rum lehst'mir alli Wunsch vun d'Aue ap . Wann die Supp heiß is tut'se plose . Amol Owetz han'mer uns im Bett verpusst to hann ich uf'm Wawi sei Puckl etwas gespiert un han's glei gfroot was tes is to hat's gsoot es is mei Schutzengl tes sin mei Flitsche un wan'se groß genuch sin also Flugreif sin dan holl ich dich uf mei Puckl un Fliehe in d'siwete Himml der Liebe."

Wie'mer unser gschtolene Ulaker wieder gfunn han

D'Joschi un d'Matzi sin mit ihre Vadre mit'm Wohn uf Gudritz, zu ihre Kriegskulegre gfohr. Wie'se onkumm sin woor a große Begrüßung un a gude Wein to . Teni junge hatt'mer on jed'm a Glasvoll Wein ingschenkt „Un jetzt geht'er tier zwo Gudritz anschaue tier misst net alli Fertz abfange,....um vier Uhr is Abfohrt".

Wie'se so gehen kummt a Mann un soot:"Gell Buwe tier seit Groß-Schamer Ulacker"."Jou". „Enger Ulacker han'mer bei'der Fohneweih gschtol er is bei'der Pharre-Kechin verschteckelt,tut mich bloß net verode „.

Mir hann Heilich versproch uns bedankt un klei Hamm zum Matz ihm die Neichkeit soon. „Seit nor schtill Buwe ich wer`ne schun Hamm krien." D'Matz hatt sich a Plon gemacht un is zu unserem Pharre un hat'm gsoot das er morje uf Gudritz fohrt - wan er was m'Gudritzer Pharre zu schicke hatt holt er's geere mit. D'Pharre hat klei a Brief gschrieb er soll'ne'm Gudritzer Pharre abgin.

D'Matz hatt d'nächste Tach zeitlich ingspannt un is kfoh. Er is klei ins Pharrehaus un is nin zur Kechin ti woor sehr iwerascht a Mann in ihrem Zimmer. D'Matz hatt sich vorgstellt un hatt gsoot was er will die Kechin war ganz rot im Gsicht hatt d'Brief ghol un is zum Pharre temit gang . D'Matz hatt klei angefangt zu suche, macht's Nachtkaschtlschublod uf un hatt'ne klei ghatt. D'Matz hatt sei Ulacker rauskholl den anre gschnied un ne zuruckgeleht wie'er fertich woor is ach schun die Kechin khumm er hatt sich verabschied un is Hamm. Wie d'Matz fort woor is die Kechin schau gang ob d'Ulacker noch to is wie'se's Nachtkaschtl uf macht ise verschrock un feierrot gin .aAso doch was'se gfercht hat, sie hatt sich misse hinsitze un iwer alles Studiere sie hatt tes ganzi in a Schtanizl un'm Knittl gin ter soll tes ganzi uf Schom troon un vor's Großwertzhaus werfe.

Liewi Landsleit

Ich rett a jeder ter in Groß-Scham g'bor is alls Groß-Schamer Ulaker an.

Liewi Groß-Schamer Ulaker!

Wie' mer wisse hat's Schnappmesser unser Ulacker vertrenkt weil's mehr bietet. Wann' mer wille das unser Ulacker wieder Menschlich gebraucht wert misse' mer'ne modernisiere. Etwas noch tröhenge, mei Vorschlag wer a Stopperzieher, Flascheeffner, Konserwescheider un a Bohrer vor die Leit die etwas net hehre wille, die Ohre ufbohre, ich bin der Iwerzeihung das dann unser Ulacker wieder ans Ruder kummt.

Ich pitt Eng alli mitzuhelfe, un wan's jemand gelinge soll die vorgeschloeni Modernisierung fertich- bringt soll er a Model 'm Breder Matz zuschicke un er losst's Pattentiere un in Serie herstelle, als Belohnung gried'er als erster a Modernisierter Ulacker.

Was is alles mit'm Ulaker gemacht gien

Es sinn Hingle, Katsche, Gäntz un Schwein gschlacht gin. Zu seller Zeit woore noch kha Fleischmiele so is'ses Worschtfleisch mit'm Ulaker verhackt gin. In'de Brotsäck uf'm Hotar woore nor Ulackre, Weiwer un Männer Ulackre. Ich muß tere jungeri Generation die was net wisse was der Unnerschied zwischer Weiwer un Männer Ulackre is soon,: Weiwer Ulackre wohre gschnied ('s rundi am end is ab- gschnied gien). Wann a Mann ome anre Mann sei Ulaker terwischt hat iser ach klei gschnied gien un wann a Mann a gschniedene Ulaker ghatt hat woore des a Schand un er is verspott gin.

In der Tischschublad un in der Brotsäck woore die Weiwer un Männer Ulackre separod, wann so a Weiwer Ulacker zwischer die Männer Ulackre khum is woore klei der Kriech un Streit im Haus. Wann a Weib Hoor uf der Zung ghat hat is'es mit gwalt unner'm Großwertzhaus Ulaker dorch gfirt gin, der hat gschnapt un die Hoor uf der Zung woore weck.

D'hungrichs Kloos un sei Ulaker

D'Kloos woore im Dorf als der Geizichste un Spoorsamste Mann. Er hat sich im Bett net rumgeleht wie jede Mensch, no, er is ufgestann hat sich rumgedreht un wieder hingeleht das'er's Bettsach net verreißt. Sei Elter wohre gstorbt. Tie Hinnerlassenschaft alles was'se besitzt han woore a abgenutzte Ulacker.

An ome Tach hat'er a Hingl transchirt hatt a pissl zu hart ufgedruckt un d'Ulaker is in drei Sticker ausenanner gfall. Er woore so verschrock was fang ich jetzt on, er hat prowiert nor mit'er Schneid, wieder ufgedruckt die Schneid hat sich umgepoo un er hat sich hart gschnied no is'm ingfall er losst a Band trum mache. In der Fruh holt'er'ne un geht zum Schmitt, der schaut sich's Unglick an un werft'm d'Ulacker ins Feuer un saat'm Kloos er soll sich a anre khofe.

D'Kloos hat a pissl Geld beisich ghat un is zum Kowljak ins Gscheft ohne khofe gang. Wie d'Wenzl- Vedder d'Kloos gsied iser'm engehe ghum: "Grießdich Kloos han dich a Ewichkeit net gsien, was khann ich for dich tun?" „Wenzlbatschi ich mecht a Ulaker ghafe" „Vun wu ghummscht tan Kloos?" „Vun d'r Hamm" No tu ghummscht vum Mond, vor Fufzehn Jahr han ich der letschte Ulacker verkhoft jetzt gibt's nor noch Schnappmesser.

1981 zur Kerweih is 'es hunertjärichi Ulackerjubileum gfeiert gin

D'Sepp hat sei Podm zamgeromt un hat hiner'm Selcher a Ulacker gfunn. Tes woor der was uns die Moritzfelder gschickt han voller Stob un Spinneweder er hat klei die Kumrade hingeruft der Ulacker gholl, gepuzt un gschmirgt uf m Stiel hanse etwas gschrieb gsien un enziffert 1880 sie han sich um d'Hals gholl un im Kreis g'Tanzt voller Freit. Weil soviel Leit to woore hanse klei Beschloss zu rKerweih, tes Hunertjährichi Ulaker Jubiläum zu feire. Es is alles Besproch gin,. D'Matz hat klei 500 Ulaker angfangt zu mache d' Drexler Poldi hat die Stiele gedreht s Löschi Anni hat uf a jeder Ulakerstiel gschrieb uf on Seit „100 Jahre" un uf die anri „ Groß-Schamer Ulaker". D'Matz hat'se zamgtellt die Schneid woor vun Rostfreiem Edel- stahlplech. Die Ula'ckre sin in der ganzi Welt wu halt Schamer woore rumgschickt gin. Awer a großer Thol ter vun is uf der Kerweih am Kerweibohm verkooft gin un des Geld hann die Kerweibuwe gried vor ihre Spesen.

Kerweihowet um 24 Uhr is ausgeruft gien wer die richtichi Antwort woos griet vum Breder Matz a Ulaker als Belohnung : „Wann wert d'Seppi Sepp un d'Matzi Matz?". Niemand hat's gewisst.

In Groß-Scham wohre 50 Matze vun teni wohre 11 Auserwehlti mit terpei mit Spottnohme: Hanse-Matz, Jerich Matz, Prashke Matz, Klerchter Matz, Husare Matz, ... Stagl Matz... Knoche Matz . Phidr- ...Pischama-.. Lesche-.. Breder-... Liense-... d'zwelfte is noch net uf der Welt das'es Duzent voll is . Die elwi hann d'zwelfti schun getooft un wer tes routzt wie der zwelfti hoose wert gried vum Breder-Matz a Ulaker zur BelohnungGeroutzt hatt d'Parschi-Otto.

Tes woore die Geschicht vum Groß-Schamer Ulacker, zammgstellt un rundgemacht vum

Breder-Matz 1992

Jetzt tie Frage an tie ufmerksamme Leser...: wie hoost te 12. Matz,...un wer is es???